



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 34. redovnoj sjednici održanoj 27. oktobra 2010. godine, usvaja

Z A K O N
O IZMJENAMA I DOPUNAMA ZAKONA O PARNIČNOM POSTUPKU BRČKO
DISTRIKTA BiH

Član 1

U Zakonu o parničnom postupku Brčko distrikta BiH (Službeni glasnik Brčko distrikta BiH, broj 8/09), u članu 13 stavu 1 brišu se riječi: „i u postupku po prijedlogu za ponavljanje postupka“.

Član 2

U članu 13 stavu 4 riječi: «i u postupku odlučivanja po reviziji sudi vijeće od tri sudije», zamjenjuje se riječima: „i u postupku odlučivanja po vanrednim pravnim lijekovima odlučuje vijeće od tri sudije“.

Član 3

U članu 50 stavu 1 riječi: «zaposlenik Kancelarije za pravnu pomoć», zamjenjuju se riječima: „advokat Kancelarije za pravnu pomoć“.

Član 4

U članu 187 stavu 2 riječ: «tuženi» zamjenjuje se riječju „tužilac“.

Član 5

U članu 300 stavu 1 poslije riječi «obrazloženje» dodaju se riječi: „i pouka o pravnom lijeku“.

Član 6

U članu 346 stavu 3 iza riječi «izuzetno» dodaje se riječ: „Apelacioni“.

Član 7

U članu 384 i u članu 395 stavu 2, riječ: «izostanka» zamjenjuje se riječju: „propuštanja“.

Član 8

U članu 411 stavu 2 iznos od „5.000 KM“ zamjenjuje se iznosom od „3.000 KM“.

Član 9

U članu 412, poslije stava 4 dodaju se stavovi 5 i 6, koji glase:

„ (5) Žalba u kojoj su izneseni razlozi zbog kojih se žalba ne može izjaviti odbacit će se kao nedozvoljena.

(6) Protiv odluke Apelacionog suda kojom je žalba odbačena iz razloga propisanih u stavu 5 nije dozvoljena revizija“.

Član 10

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02 -303/10
Brčko, 27. oktobra 2010. godine

PREDSJEDNIK
SKUPŠTINE BRČKO DISTRIKTA BiH

Mirsad Đapo, dipl. pravnik